



Innkalling

Utval:	Valstyre
Møtestad:	Møterommet
Dato:	27.05.2021
Tid:	Etter formannskapsmøte

Representantar med lovleg forfall eller som er ugilde i nokon av sakene, må snarast råd melde frå til Solund Servicekontor, telefon 57 78 62 00 eller e-post post@solund.kommune.no slik at vararepresentantar kan kallast inn.

Vararepresentantar til valstyret møter etter nærare innkalling.

Saksdokumenta ligg til ettersyn i ekspedisjonen på kommunehuset

Solund kommune
20. mai 2021

Gunn Åmdal Mongstad
-ordførar-

Sakliste

Sak nr.	Sakstittel	
001/21	Delegering til leier av valstyret og administrasjonssjefen	
002/21	Førehandsrøysting og ambulerande røysting	
003/21	Val av røystestyrer 2021	



Arkiv:

ArkivsakID: 21/362

JournalpostID: 21/1685

Sakshandsamar: Amund
Fuglebakk
Aglen

Dato: 19.05.2021

Saksframlegg

Saksnr. utval	Utval	Møtedato
001/21	Valstyre	27.05.2021

Delegering til leier av valstyret og administrasjonssjefen

Administrasjonssjefen sitt framlegg til vedtak:

Solund valstyre delegerer til leiar i valstyret og administrasjonssjefen å ta avgjerd i ikkje prinsipielle saker ved gjennomføring av val til Stortinget og Sametinget i 2021.

Aktuelle lover, forskrifter, avtalar m.m.:

Vallova

Kva saka gjeld:

Delegering til leiar i valstyret og administrasjonssjefen.

Saksutgreiing:

I 2021 er det val til Stortinget og Sametinget. Valstyret har det overordna ansvaret for gjennomføring av val i kommunen. Vallova seier ingen ting om høve til delegering og kommunelova sine generelle reglar om delegering vert difor anvendt også for mynde som er gitt kommunestyre og valstyre gjennom vallova. Denne tolkinga vert stetta av Kommunal- og moderniseringsdepartementet i Valhandboka. Det fylgjer av dei generelle reglane om deleringer i kommunelova at det ikkje er høve til å delegere prinsipielle saker. Av prinsipielle sakar etter vallova kan nemnast:

- fastsette lovpålagde fristar for kommunen
- vedta røystestader, røystekrinsar og opningstider
- vedta organisering av oppteljingsmåte for valgjenomføringa
- oppnemnde røystestyre og røystemottakarar
- handsama forkasta røystegjevingar
- godkjenne valet og valoppgjeret

- handsome klagar ved valet

Lista er ikkje uttømmende, men desse sakene må alltid handsamast av valstyret eller kommunestyre. Om andre saker vert vurdert å ha prinsipiell karakter må også dei handsamast av valstyret.

Mykje av førebuinga og avviklinga av valet vert gjort gjennom oppgåver av praktisk art og utan prinsipiell betydning. Det kan til dømes vere:

- Å leggje inn grunnlagsdata i EVA (det sentrale IT-systemet for val)
- Skrive ut utleggingsmanntalet og leggje det ut til offentleg ettersyn
- Utlevering av manntalseksempplar til parti som stiller liste ved valet og halde oversikt over utleverte manntalseksempplar (jf. valforskrift § 3)
- Trykking av røystesetlar og liknande
- Aktuelle kunngjeringar
- Gje melding til veljarar
- Rekruttere valmedarbeidarar
- Bestemme avlønning
- Sette opp arbeidstider
- Rigge vallokala
- Lage rutinar for oppbevaring av valmateriell
- Distribuere valmateriell til vallokale
- Registrere røystegjevingar og oppteljingar i EVA

Lista er ikkje uttømmende.

Vurdering:

Mange av oppgåvene knytt til gjennomføring av valet er av rein praktisk karakter og er difor godt tatt hand om av administrasjonen. Mykje av førebuinga vert også gjennomført i sommarmånadene og det vil då vere vanskeleg å samle valstyret for å fatte avgjersle. Vidare kan koronapandemien kunne føre til uventa hendingar som gjer det naudsynt med raske avgjersle.

For at valet skal kunne gjennomførast på mest mogleg effektivt tilrår administrasjonssjefen difor at alle oppgåver som kan delegerast vert delegert. Tidligare har ein i Solund kommune berre delegert mynde til leiar i valstyret, men i praksis har mange av oppgåvene som fylgjer av vallova vore gjennomført av administrasjonssjefen. Administrasjonssjefen bør difor også få delegert mynde frå valstyret slik at det ikkje vert tvil om mynde til dei som er deltek i førebuing og gjennomføring av valet.

Etter endeleg vedtak utskrift til:



Arkiv:

ArkivsakID: 21/367

JournalpostID: 21/1699

Sakshandsamar: Amund
Fuglebakk
Aglen

Dato: 20.05.2021

Saksframlegg

Saksnr. utval	Utval	Møtedato
002/21	Valstyre	27.05.2021

Førehandsrøysting og ambulerande røysting

Administrasjonssjefen sitt framlegg til vedtak:

Solund valstyre vedtek at perioden for førehandsrøysting i Solund kommune skal vere 10. august til 10. september.

I løpet av perioden skal det leggjast til rette for førehandsrøysting på fylgjande lokalitetar:

- Resepsjonen på kommunehuset
- Solundheimen
- Båtruta i Nord-Solund
- Heime hos dei som har søkt om det etter vallova § 8-3, 6. ledd. Søknadsfristen vert satt til fredag 10. september 2021 klokken 10

Fylgjande personer vert oppnemnd som stemmemottakarar for førehandsrøyster og tidlegrøyster:

Amund Fuglebakk Aglen
Borgny Leirvåg
Sollaug Steinsund Osland
Randi Storøy
Hege Trovåg
Marit Utvær

Tidlegrøysting skal gjerast i resepsjonen på kommunehuset mellom 09.00 og 14.30 kvardagar frå 1. juli til 10. august.

Aktuelle lover, forskrifter, avtaler m.m.:

Vallova kapittel 8

Kva saka gjeld:

Førehandsrøysting og ambulerande røysting

Saksutgreiing:

I vallova er det satt opp 3 ulike periodar der det er mogleg å røyste. Tidligrøysting frå 1. juli til 10 august, førehandsrøysting frå 10. august til 10. september og røysting på valdagen 13. september.

Tidligrøysting er berre tilgjengeleg for dei som ikkje har høve til å førehandsrøyste eller røyste på valdagen. Valstyret skal bestemme kor det kan tidlegrøystas og med kva opningstid.

Førehandsrøysting og røysting på valdagen er tilgjengeleg for alle røysteføre. Valstyret skal etter vallova §§ 8-2 og 8-3 bestemme kor det kan førehandsrøystast og med kva opningstid. Det må også peikast ut røystemottakarar for førehandsrøysting. Det er krav om at to røystemottakarar for å ta imot ei førehandsrøyst. På valdagen er det røystestyrene som tek imot røyster. Utnemning av røystestyre vert gjort i eige vedtak.

I Solund hadde ein ved førre val høve til førehandsrøysting i resepsjonen på kommunehuset, på Solundheimen, knytt til båtruta i Nord-Solund og gjennom ambulerande røysting etter vedtak. Det vart også gjennomført røysting på Solunddagen.

Vurdering:

Ved alle val vil gode moglegheiter til å røyste sikre at alle røysteføre har høve til å røyste, og det aukar sjansane for høg valdeltaking. Ved årets val vil gode moglegheiter for førehandsrøysting også vere eit viktig smittevernstiltak for å unngå køar på valdagen.

Grunna kravet om to røystemottakarar ved førehandsrøysting ynskjer administrasjonssjefen å legge opp til førehandsrøysting ved kommunehuset i dei ordinære opningstidene frå 09.00 til 14.30. Det er då personar til stades med andre arbeidsoppgåver, slik at ein ikkje må bemanne opp får handtere førehandsrøystinga. På den måten får ein gjennomført førehandsrøysting med små ekstra kostnader. Administrasjonssjefen føreslår difor også stemmemottakarar med arbeidsoppgåver i nær tilknytning til resepsjonen på kommunehuset.

Administrasjonssjefen ynskjer også å legge til rette for tilbod om førehandsrøysting på Solundheimen, knytt til båtruta i Nord-Solund, heime hos dei som får innvilga det etter vallova § 8-3, 6. ledd, og i samband med Solunddagen. Den vil ikkje vere fast opningstid for førehandsrøysting på desse lokalitetane, men administrasjonen vil

gjennomføre førehandsrøysting alle desse plassane ein eller fleire gonger i løpet av perioden for førehandsrøysting i dialog med dei som er aktuelle for å nytte tilboda. Ein har gode erfaringar med slik førehandsrøysting tidligare. Røystinga knytt til båtruta i Nord-Solund har vore mogleg fordi operatør har vist godvilje. Solund kommune har vore i kontakt med operatør og dei er positiv til å få til førehandsrøysting også i år.

Etter endeleg vedtak utskrift til:



Arkiv:

ArkivsakID: 21/363

JournalpostID: 21/1689

Sakshandsamar: Amund
Fuglebakk
Aglen

Dato: 20.05.2021

Saksframlegg

Saksnr. utval	Utval	Møtedato
003/21	Valstyre	27.05.2021

Val av røystestyrer 2021

Administrasjonssjefen sitt framlegg til vedtak:

Solund valstyre oppnemner følgjande personar som representantar til røystestyre ved val til Storting og Sameting i 2021:

Til Hardbakke krins:

Leiar: Oddlaug Hersvik

Nestleiar: Gunnlaug Olsvoll Røed

Medlem: Magne Audun Hamre

Medlem: Frode Kalgraff

1. varamedlem: Jørn Otto Olsen

2. varamedlem: Hildur Lien

Ytrøy krins:

Leiar: Aud Wesenlund Ødejord

Nestleiar: Odd Kårstad

Medlem: Bente Jorunn Ørnehaug Utvær

1. varamedlem: Reidun Ørnehaug Hjørnevang

2. varamedlem: Birger Hjørnevang

Aktuelle lover, forskrifter, avtalar m.m.:

Vallova § 4-2

Delegeringsreglement Solund kommune (K-sak 061/20)

Kva saka gjeld:

Oppnemning av røystestyrer for val til Storting og Sameting i 2021

Saksutgreiing:

Det fylgjer av vallova § 4-2 at når stemmegjeving skjer fleire plassar i kommunen skal det vere eit røystestyre med minst tre medlemmer på kvar plass for å administrer røystegjevinga. Røystestyra har ei viktig rolle i valgjennomføringa og det er røystestyra som i stor grad står for den praktiske gjennomføringa av røystinga på valdagen og som kjem i kontakt med veljarane.

I delegeringsreglementet til Solund kommune (K-sak 061/20) er mynde til å oppnemne røystestyrer delegert til valstyret.

I K-sak 013/21 vedtok Solund kommunestyre at det ved valet til Stortinget og Sametinget i 2021 skal vere to røystekrinsar i Solund: Hardbakke krins og Ytrøy krins. Administrasjonssjefen har i sak 002/21 for Valstyret tilrådd at det vert to røystestadar i Solund kommune, ein i kvar krins. Det vert difor tilrådd like mange røystestyrer.

Røystestyra er kommunale organ med heimel i særlov, jf. Kommuneleva § 7-2, 1. ledd, bokstav i. Reglane om val i kommunelova kapittel 7 er difor gjeldande, med unntak av kravet om folkeregistrert adresse, jf. kommunelova § 7-2 a. Det inneberer mellom anna at krava om kjønnsbalanse i kapittel 7 må vere innfridd. Det synar at for røystestyret til Hardbakke krins må det vere minst 40 prosent av kvart kjønn, og at for røystestyret til Ytrøy krins må begge kjønn vere representert. Prinsippet om at begge kjønn må vere representert vil også gjelde for varalistene til begge krinsane.

Vurdering:

Dei føreslegne er spurde og stiller seg positiv til å stille i røystestyra. Administrasjonssjefen vurderer alle dei føreslegne som godt egna til rolla, og dei fleste av dei har erfaring frå å sitte i røystestyre ved tidligare val. Forslaget innfrir krava om kjønnsbalanse, og ingen personer som er hindra frå val etter kommunelova § 7-3 er foreslått. Gjer valstyret endringar er det viktig at ein tek omsyn til dei ulike krava i kommunelova kapittel 7.

Etter endeleg vedtak utskrift til: